

赖布衣名著《催官篇》

《催官篇》卷之一

评龙章

催官第一天皇龙。剥龙换入天市东。阳旋少微左关局。廉贞起祖峰重重。
右关廉贞降枢兑。变换太乙东南雄。四神八将应位起，三火并秀三阳冲。
三阳洋潮入庚震。食邑开府应三公。更出仙翁与佛子。蓬莱真境超凡风。
天枢起祖降兑巽。变艮作穴官位同。少微起祖降枢巽。亦主富贵永兴隆。
六秀变出紫薇局。砂水应位官无穷。六秀行度间震庚。三吉受穴文武崇。
阳衡起祖降三吉。震庚受穴武应同。亥山一丈能致富。巽水一勺能救贫。
辛山十丈富相亲。难养过房异姓人。震艮砂水秀朝位。持节边疆统卒人。
少微转巽还少微。人财昌炽官职卑。太乙少微复太乙。亦主文官持彩笔。
迢迢西兑入天皇。清贵翰苑夸文章。天皇迢迢入西兑。亦主清贵寒水霜。
迢迢天皇剥入艮。富贵鱼美芝兰房。天皇天市龙第一。巽辛兑丁官可必。
最喜廉贞作祖宗。廉贞作主为官疾。阴枢南极及天汉。行龙受穴最荣吉。
天屏巽丙同透迤。只主优游富衣食。鬼牛二气灾害萌。拜礼神佛崇香灯。
二煞独行岂为吉。宜与丁艮相兼行。丁艮行龙局度吉。男女多治家丰盈。
阳权软伏峰腰起。阴权砂水来相迎。切忌亥戌来照穴。鼓盆反覆灾相仍。
阴权坎癸贵精俊。冈势磊落如流星。阳权砂水秀朝穴。龙虎抱卫公候生。

阳权阴光砂水秀。阴阳砂拱官班荣。阳光瑶光阴权位。行龙懒缓生泉弘。
阳光单行更高耸。孕生六指无猜疑。阴立行龙兼鬼气。少亡孤寡兼尼僧。
阳玊单来最凶恶。绝嗣无主坟荆榛。魁罡行龙不堪穴。少亡恶逆常争竞。
山奇水秀穴周密。暂可致富随伶仃。阴玊天权若受穴。痼疾风跛人生盲。
寅甲行龙穴奇巧。仅可一发人温饱。阳龙懒缓不须裁。形孤穴露生凶灾。
龙行起伏如万马。阳局周完要奇推。世人只爱龙逶迤。不明曲折兼醇醪。
天皇行龙莫曲折。玊权气杂非瑰琦。天市逶迤失正气。天苑天梧为深疵。
阳旋切忌间穴气。兑庚委曲咸利宜。阴旋亦忌间娄气。乘气慎勿差毫厘。
龙辨中抽左右落。吉凶官职定荣削。左落乾亥如双行。乾多亥少那堪作。
右落乾亥如同行。亥多乾少堪裁度。中抽乾亥如平分。可作行龙穴休鉴。
壬亥双行祥左落。亥多壬少官荣爵。双行右落龙不眠。壬多亥少家消索。
中抽壬亥如平分。转换真奇莫差错。单行中抽爵禄縻。左落乾顶真龙亏。
右抽壬顶为四辅。龙行官旺何须疑。艮顶中抽为第一。最喜直龙嫌逶迤。
左落丑顶为半吉。右抽寅顶生痲痲。丑艮对顶平分出。显异亦主生光辉。
丑艮双行从左落。丑多艮少生灾危。丑艮双行从右落。艮多丑少荣孙枝。
寅艮中抽不宜穴。左落艮顶堪扶持。寅艮右落岂为吉。指星作主生灾非。
震山中落最为吉。若无甲乙宜深推。震甲双行犯痲疾。震乙丝赘螟蛉儿。
离丙双行切须忌。天降回禄灾晕飞。辰巽双行非精美。左落辰顶堪嗟吁。
辛戌双行本非吉。左落辛顶多磁基。丁山正落始为吉。午未气杂家陵夷。
起顶降脉定偏正。他宫仿此须无违。衰病绝乡为福薄。死墓混杂家流离。
冠官生旺胎养位。不须更论阴阳比。四龙剥换为上吉。卦变二三者为布。
一卦独行为专一。正龙落脉无楼迟。楼迟闪侧为伪落。亦须造化无参差。

真龙伪落为变局。龙种穴的难推移。砂秀水朝为吉助。剥龙合向登云衢。
伪行真落虽速发。但恐换骨有兴衰。详观砂水定品秩。收放乘气为真机。
土圭测位勿草草。心意消息毋昏欺。龙穴砂水至心要。为君备赋催官诗。

《催官篇》卷之二

评穴章

天皇评穴（亥龙）

催官第一天辅穴，天皇气从右耳接。穴宜挨左微加乾，
天皇气贯穴天池。四神八将俱朝迎，紫绶金章在前列。（壬山丙向）
天皇气射天厩星，微挨西兽加壬行。天厩穴空始为吉，耳受左气官班荣。（乾山巽向）
天皇气冲穴北道，挨左立穴为枢要。稍加乾位细推祥，右耳乘气勿冲脑。（癸山丁向）

天市评穴（艮龙）

催官第二穴宜癸，天市正气左冲耳。穴接西兽微加寅，画锦荣华耀阁里。（癸山丁向）
天市行龙太微向，气冲左膺官资旺。阴阳相见福祥来，玃福配合歌随唱。（壬山丙向）
壬癸背一面九离，河洛理数无相连。四垣四兽各正位，五气顺逆相凭依。（子山午向）
天市迢迢穴阴玃，气冲右耳无透迤。天厨微加穴粘土，富贵文武官崇巍。（甲山庚向）
阳枢穴主天官星，右腰乘气多荣名。若得阴璇山秀起，含书饫史称明经。（乙山辛向）
阳枢为龙西伺兑，右耳乘气最为贵。穴宜挨左加厨星，闾闾荣华定无艾。（卯山酉向）
天市行龙向阳璇，气冲在膺通微玄。屋润家肥积金帛，只恐夭折亏天年。（乾山巽向）

阴璇评穴（辛龙）

催官第三穴天厩，天乙行龙右耳受。矮左立穴加少微，中男及第纡紫缓。（乾山巽向）

阴璇穴亚向东震，阴璇气从左耳进。微侵娄位勿加多，巡警小官亦英俊。（酉山卯向）

阴璇穴向天市垣，气从左膺推其源。玉堂金马无分到，懦官俊雅多田园。（坤山艮向）

阳璇评穴（巽龙）

催官第四穴宜乙，阳璇左耳气冲入。天官借坐如青蛇，禁阙环宫须夜直。（乙山辛向）

太乙行龙天屏穴，右耳乘气真奇绝。亢金煞位勿加多，巨富小贵人英杰。（巳山亥向）

太乙行龙向阳枢，右腰乘气无差殊。砂奇水揖龙惊异，诗礼富贵多金珠。（坤山艮向）

阳衡评穴（卯龙）

催官第五穴宜甲，阳衡气从左耳发。穴挨西兽加天堂，持节边疆掌生杀。（甲山庚向）

阿香东来穴天官，气贯右耳尸灵安。微加甲位穴粘左，先文后武荣官權。（乙山辛向）

天汉评穴（庚龙）

催官第六穴向东震，天汉气从右耳进。微加申位多荣名，富压乡邦众钦信。（酉山卯向）

天汉正向天市星，气奔左耳真奇清。微加西兑穴粘右，水朝局拥家资盛。（坤山艮向）

南极评穴（丁龙）

催官第七穴宜坤，南极气从右耳奔。要使亢阴勿贯穴，微加六广荣家门。（坤山艮向）

南极行龙天皇向，气冲左耳乃为上。穴接西兽微如羊，阳權慎勿毫厘间。（巳山亥向）

太微评穴（丙龙）

催官第八丙龙乙，气冲右膺英才山。太微之龙穴粘巳，气贯左耳富而已。（巳山亥向）

太微行龙向阳枢，右腰乘气无差殊。穴宜挨左加青砂，亦主人旺家资富。（坤山艮向）

少微评穴（酉龙）

催官第九兑山艮，左耳气冲无多紊。略加天乙贵龙来，亦主文章典州郡。（坤山艮向）

金鸡来向天门啼，气冲右耳天厩虚。微加天汉水砂朝，少年一举登科第。（乾山巽向）

金鸡啼向扶桑东，气冲脑散亏神功。庚辛受穴始为吉，官职荣霸资财富。（酉山卯向）

少微正向宜配丁，右腰乘气官职轻。若转天皇脉受穴，右耳受气公侯生。（癸山丁向）

阳權评穴（午龙）

催官第十穴天贵，阳權左气从耳注。微加南极局周回，砂水合矩公侯至。（丙山壬向）

离山迢迢应日星，丁穴右耳乘灾精。微加天贵毫厘位，立见骤富官职荣。（丁山癸向）

天辅评穴（壬龙）

背一面九乘天辅，气从右耳为合矩。穴宜挨左加天皇，富贵荣华振乡土。（子山午向）

壬山迢迢穴天市，天辅气奔冲右膺。穴左微侵半亥分，富贵声名响闾里。（艮山坤向）

天辅穴向天官星，气从左膺通玄灵。穴宜挨右加阳光，亦主财赋人英杰。（辛山乙向）

阳光评穴（子龙）

穴坎阳光右耳通，龙脉真俊生英雄。切忌阳光气冲脑，家资退落应如扫。（子山午向）

阳光穴坐天市垣，气冲右耳乃为玄。穴宜挨左加天辅，孕产六指多田园。（艮山坤向）

阴光评穴（癸龙）

催官十三向玄戈，阴光俊美右耳过。挨加微加半分月，富贵便见风流多。（艮山坤向）

阴光穴坎向阳精，左耳乘气不为轻。穴宜挨右微侵午，出入英俊资财盛。（子山午向）

元戈评穴（坤龙）

丁穴回环局周锁，玄戈耳入气冲左。穴挨西兽微加申，龙脉精奇发如火。（丁山癸向）

坎离交极少生气，老阴不交龙不拥。水朝砂秀亦堪夸，坤癸离壬纳于是。（子山午向）

阳玊评穴（乾龙）

亢阳无生甲从乾，气从腠入非天然。阳局不奇必凶恶，鳏寡绝嗣灾害绵。（庚山甲向）

阳玊来龙宜向乙，迢迢左气从耳入。穴宜挨左微侵娄，水朝局拥家毫实。（辛山乙向）

鼓盆评穴（戌龙）

戌山迢迢宜向乙，鼓盆左气奔耳入。龙行起伏向阳潮，巨富但恐人残疾。（辛山乙向）

鼓盆龙向天苑星，行龙懒缓灾非轻。穴挨西兽细消详，水朝局拥家资盛。（庚山甲向）

功曹评穴（寅龙）

功曹坐艮向玄戈，左耳乘气无偏颇。微加甲位局周全，龙脉精奇发如火。（艮山坤向）

功曹正向天关星，龙脉颖异穴堪亲。砂水不拥总凶恶，寡母怪疾多生填。（寅山申向）

阴玑评穴（甲龙）

阴玑穴巽向乾峰，气从右膺家兴隆。左右不交龙失度，鳏寡疯疾幼瘟风。（巽山乾向）

阴玑起伏龙向坤，左耳乘气福无穷。穴宜粘坐微加官，龙奇局锁方堪用。（艮山坤向）

亢金评穴（辰龙）

亢金穴巽向阳玑，气从右耳为合矩。天官微用穴粘左，巨富但恐无期颐。（巽山乾向）

亢金行度向玄戈，左膺乘气力比和。天官微加穴挨左，龙要精奇局要锁。（艮山坤向）

天常评穴（未龙）

未山起伏龙向艮，天常气冲右耳边。穴挨左位带丁来，左道荣华人贵显。（坤山艮向）

天关评穴（申龙）

天关龙坐天汉星，气从右耳须细寻。微加天绒辅龙行，水朝局锁人财盛。（庚山甲向）

甲山局向瑶光宫，左耳乘气力为重。玄戈微加穴居左，龙蹲虎踞家资荣。（丁山癸向）

赤蛇评穴（巳龙）

赤蛇头向天门北，直来直向神功烈。巽丙受穴最为良，富贵荣华人英杰。（巳山亥向）

天厨评穴（丑龙）

金牛走向太微垣，气奔左耳龙脉旋。阳枢微加穴粘左，水朝局锁多田园。（壬山丙向）

天厨龙向南极星，左气冲耳资财兴。穴挨西兽加阳枢，富贵人钦左道灵。（癸山丁向）

天官评穴（乙龙）

天官坤向穴天市，气奔右膺乃为利。亢金微加穴粘石，亦主富贵人招赘。（艮山坤向）

《催官篇》卷之三

评砂章

催官之砂惟四方。云霄屹立官爵强。四维峰低叠叠起。千仓万箱耀州里。
奇峰列秀有三角。黄金白玉尚奢侈。若还有路破峦峰。官事相连败田地。
四神乌石生点驳。家业终须见萧索。一玃统天秀入云。龙显独步黄金门。
若见低圆正而立。定主科甲在前列。乱峰低小富贵翁。阳旋双峙美无度。
独有旋峰口然起。经略之士端可拟。参军司务小峰峦。低员方平富而已。
一峰秀出一登科。双峰兄弟同科举。远峰列笋天涯外。文与韩柳争齐名。
外朝砂水外孙贵。坐子廊庙为官清。更生如花女人貌。夫动子孙承恩荣。
阳旋低伏阴旋耸。亦主亚榜稍明经。元戈草拔旗旄样。定出将军女为将。
一峰端拱正如圭。三甲之中应及第。如旗斜歌不端严。巡警小官亦英锐。
乱山低小都衙职。山名地母水失流。或缺陷水来去定。定以龙穴为去取。
龙神带得四金行。必主寡妇并僧尼。阳枢如笔列三台。三台齐秀催官巍。
与国为姻食天禄。一峰独秀黄甲魁。若然小峰积金帛。被石点破催官显。
阳枢低伏阴枢积。亦主食禄无猜疑。四神八将应位起。龙真穴的齐卢崔。
太阳正火当星马。丁丙柳张更无价。赤蛇统卯如圆平。腰膺斗大才纵横。
卯笏居西最为贵。枢旋丙丁生公卿。印居寅甲出师巫。里巷厌听樗蒲声。
阳光癸丑主堕胎。离卯中子全家盲。鱼袋居西官易欺。坎鬼四墓为横尸。

兜鍪剑掣庚兑出。将军威武收边夷。东南更照齐云霄。阴阳合翕如友僚。
更兼阳关山拱照。官职崇高近君帝。阳关山陷因阵亡。阳衡压冢初生滞。
火星宜起应天宿。仍观造化阴阳宜。离星高秀乾主明。泄制火星英贤生。
枢玑阳旋山若陷。官不食禄名虚称。龙穴局势无亏失。吉星到位官可必。
吉星或见有高低。更以高下为消息。山形虽美位凶方。亦恐岁久非忠赤。
画笔尖欹列寅申。贼旗斜侧位魁罡。魁罡高耸压冢宅。出贼乞丐沿街坊。
四金砂陷风一入。翻棺覆椁人遭殃。牙刀四金属剑儿。判笔庚兑辛为奇。
天乙太乙文笔起。曜气交验状元位。得位失位分去取。总把龙神变规矩。
火星不起日月明。亦主其家生贵子。日月不起太阳高。太阴得水富还豪。
火星不起官不显。不握重权或闲散。详龙审局辨砂水。此是杨曾彻骨语。
世将风移民不淳。大地相逢莫轻许。

《催官篇》卷之四

评水章

催官之水唯三阳。水朝砂秀官爵强。阳璇水朝文笔起。少年科甲夸文章。
若见双峰列云汉。兄弟联名亲御翰。有砂无水亦尊荣。砂水并朝更为冠。
男为附马女为妃。中男继子夸门楣。三阳无砂水不贵。只主姻亲发财科。
穴乘兑亥阳璇朝。玉堂金马多名誉。艮龙璇水为福轻。最喜庚辛注丙丁。
阴枢南极水洋洋。四神八将砂苍苍。射策金门名第一。定主微垣作弼良。
二宫有水名赦文。永无凶祸到家门。蚕姑缫丝白如雪。老莱戏绿如晨昏。
三阳水朝归鬼乡。义门寿考同休光。阴璇水朝进金宝。亦有如花女人好。

穴乘太乙东南龙。水朝砂秀登科早。若还水自太微朝。亦主出人长寿考。

位嫌砂秀似鹅头。风流女人多颠倒。

上段评辛丙水

兑水切忌阳璇龙，必主徒流汲荒草。天汉天命水朝坟，敌国富豪真无伦。

震庚有峰入云表，英雄将相麓三军。天汉天关水同入，难免刑戮遭纷纭。

阳衡水朝主骤富，龙轻砂碎遭淫奔。切忌剥龙入坤度，定遭刑戮罹灾迍。

阳枢有水入明堂，粟陈贯朽珠夜光。天屏天皇水来去，财禄人丁家优裕。

天屏水忌少微龙，离龙亥水刑相同。

上段评巳亥水

鬼牛来去空为吉，念经寡妇常逢凶。鬼流来去龙入震，霹雳白昼惊西东。

来主家富去败绝，人家定少期颐翁。

上段评丑未水

元戈坤洋入塚宅，高堂红粉悲无穷。掀裙抱花山拱位，妇女不洁招淫风。

若有圆山孟钵样，或出妮姑并和尚。阳权阴权互相向，有水特朝乃为上。

阴阳砂秀入青云，及第为官至卿相。有砂无水亦登科，有水无砂惟富旺。

阳权阴权互相向，砂水并朝总宜葬。

上段评午壬水

离龙坎水近君门，阳局易发亦易倾。（此二句评子水）

亢娄流注非吉地，少亡悖逆无忠贞。（此二句言辰戌水）

阳关懒缓亢水入，缺唇露齿含糊声。坎龙亢水忌来去，全家诛戮无余丁。

四金龙朝并坐向，痼疾横逆家伶仃。四金对射风入局，翻棺覆槨灾非轻。

上段论辰戌丑未水

功曹传送水来去，阳局求砂水吉无虑。行龙转换到正东，切忌水流传送宫。

离壬来去离乡邑，阴机天掙生盲风。（此二句言寅甲水）

天宫来去招继赘，坎癸病肿忧忡忡。双生子女家渐退，缢亡落水灾危重。

上段评乙水子癸水

水流北极肃杀位，襟怀鄙琐无宽洪。坎龙离水入西兑，淫奔必主朝桑中。

乾亥双朝因瘵夭，戌乾喑哑并言聋。阳玃来去跛能履，鳏寡继赘人无踪。

上段言乾水

坎离阳朝破阴局，咸池水映桃花红，巽巳兼朝破阳局，哪堪太乙起堆峰。

香闺有女颜如玉，堕胎沾污春风容。游魂阴枢水并入，寅午戌岁烧天红。

葬法若注亥兑气，迴禄制伏应潜踪。阴光牵癸入塚宅，随母改嫁忘姻宗。

黄泉曜炁最凶恶，阴阳混杂家零落。少以毒药因女祸，兄弟赌戮多相攻。

龙行关节带微淆，受穴朝流亦差错。

（完）

赖布衣原著 金品易（QQ:1399373569）整理校对

乙未孟秋撰于深圳